

لَا إِلَهَ إِلَّا اللَّهُ

## DËSHMIA “LA ILAHE IL-LALLAH”

### DHE KUSHTET E SAJ

٢٦

Argumenti i kësaj dëshmie:

Fjala e Allahut:

فَاعْلَمْ أَنَّهُ لَا إِلَهَ إِلَّا اللَّهُ

“Dije se nuk ka zot që meriton  
të adhurohet përveç Allahut.”

(Kuran, 47:19)

Domethënja e dëshmisë  
“la ilah il-lallah”:

“Nuk ka të adhuruar  
me të drejtë përveç Allahut.”

Shtyllat e kësaj dëshmie:

1. **Mohimi “la ilah”**  
(Nuk ka të adhuruar).

**Domethënë:** Ta mohosh  
adhurimin e çdo gjëje që  
adhurohet në vend të Allahut.

2. **Pohimi ose vërtetimi “il-lallah”**  
(përveç Allahut).

**Domethënë:** T’ia pohosh  
adhurimin vetëm Allahut, i Cili  
nuk ka rival.

Kur i bën dobi njeriut fjala  
“la ilah il-lallah”?

1. Në qoftë se e di domethënien e saj.

2. dhe, njëherazi, punon me atë  
që e kërkon kjo fjalë.

لَا إِلَهَ إِلَّا اللَّهُ

### KUSHTET E FJALËS “LA ILAHE IL-LALLAH”

Fjala “la ilah il-lallah” nuk i bën dobi atij që e thotë në qoftë se  
nuk i jetëson kushtet e saj, të cilat po i përmendim në vijim:

**1. Dituria** (العلم) e cila e kundërshton mosdijen.

**Domethënja:** Ta dish kuptimin e fjalës “la ilah il-lallah”,  
gjegjësisht kuptimin e mohimit dhe pohimit që e përban ajo.

**2. Bindja** (اليقين) e cila e kundërshton dyshimin.

**Domethënja:** Ai që e thotë këtë fjalë duhet të jetë plotësish  
i bindur se vetëm Allahu është i Adhuruari i Vërtetë, pra se  
vetëm Ai meriton të adhurohet.

**3. Sinqueriteti** (الإخلاص) i cili e kundërshton shirkun.

**Domethënja:** T’ia kushtosh të gjitha ibadetet (adhurimet)  
vetëm Allahut dhe askujt tjetër.

**4. Vërtetësia** (الصدق) e cila e kundërshton gënjeshtren.

**Domethënja:** Ta shqiptosh fjalen e Teuhidit (fjalen “la ilah il-lallah”)  
duke qenë i vërtetë në atë që e thua, pra që zemra jote të jetë  
në përputhje të plotë me atë që e shqipton gjuha.

**5. Dashuria** (المحبة) e cila e kundërshton urrejtjen.

**Domethënja:** Ta shqiptosh këtë fjalë duke e dashur Allahun  
dhe të Dërguarin e Tij dhe njëkohësisht ta duash këtë fjalë  
dhe gjithçka që nënkupton ajo.

**6. Nënshtimi** (الانقياد) i cili e kundërshton lënien e tij.

**Domethënja:** Ta adhurosh vetëm Allahun, t’i nënshtrohesh  
sheriatit (ligjit) të Tij, ta besosh atë (sheriatin) dhe të jesh i bindur  
se ai është i vërtetë.

**7. Pranimi** (القبول) i cili e kundërshton refuzimin.

**Domethënja:** Ta pranosh këtë fjalë dhe atë që nënkupton ajo,  
gjegjësisht t’ia kushtosh tërë adhurimin vetëm Allahut dhe  
të mos adhurosh askënd tjetër.

**8. Mohimi i çdo gjëje që adhurohet në vend të Allahut.**

**Domethënja:** Të largohesh nga adhurimi i çdo gjëje që adhurohet  
në vend të Allahut, duke qenë i bindur se çdo adhurim që  
i kushtohet dikujt tjetër përveç Allahut është i kotë.